

# OMUKWETU

Registered at the General Post Office as a Newspaper



JANUALI 1973

No. 1



## OU SHI TUU OOMPUMBWE DHOYE ADHIHE?

Aantu oya tsey a omahala giikulya mpoka ge li, oya tsey a omahala gomizalo mpoka ge li nohaye ga talele po pwaa na etokelwo lyasha, ihe omweelo gwokuya mondjugo yiikwamambo inagu tseyika natango noinagu simanekwa.

Ngiika ethimbo olya pi ihe tu tamakeni okudhiladhila oshinima shomambo noshokulesha mokukalamwenyo kwetu kwesiku kehe. Omumvo gwa zi ko ongerki oya taamba mii-kaha yetumo Oshinyanyangidho niilonga yasho ayihe moka tamu longo aavalelwamo konyala 30 esiku kehe. Omiilonga ya tya ngaaka omumvo kehe tamu nyanyangidhwa omaludhi gomambo konyala 20-30. Ogendji gomomambo ngaka ogopambepo, manga omakwawo omambo ngoka haga longithwa moosikola to vulu kutya omambo gokwiinyanyudha nokwiindungika.

Opwa pita ethimbo ele manga Afrika inaali tula oondunge dhalyo naashono tali dhiladhila molupe luunyolo mboka tau ithanwa embo nenge iinyolwa, notu na sigo onena uuthiga owindji wopashiyafrika wa kanena mehistolli, pamukalo nguka.

Shika otashi pendutha omadhiladhilo kutya omukundu mokati ketu kagu shi ashike ompumbwe yokwaalesha, ihe nokuholola po wo iileshomwa. Uukriste owa ningi oshindji miilongo yetu sho wa holoka mo. Aantu ya vulu okulandula wo omadhiladhilo naangoka ga tulwa pombapila noku ga inekela.

Ihe onkene ngaa taku adhika natango uunkundi uunene moshinima shokulandula omadhiladhilo gopombapila sigo onena. Netompelo oyo ndyoka sho uumbo mboka tau monika moositola dhOmambo tau ningile mo omawiiwili.

Ongerki ya Elok oyi na iilyo yi vule kashona 200,000. Omwaalu gwaamboka ya shashwa kaye shi okulesha omoluukulupe nenge ekambelo lyontumba natu gu thige mo natango omolwaakriste yomoongerki dhilwe moWambo. Nena oto kumwa nge to topolele omayovi ge thike mpoka iileshomwa yesiku kehe ngaashi Omukwetu, Omukuni nEume kutya aantu ye thike lwo 1,000 nenge 2000 inaa lesa sha nando omumvo aguhe.

Elandulo lyiiningwanima yesiku kehe nolyehistolli oyo oshinima sha igililwa kaaleshi yetu pamukalo gwokupulakena owala gumwe sho ta hokolola. Onkene itashi kumitha ngele oyendji taa dhiladhila kutya okupulakena oradio, ndjoka ya holoka nokuli melaka lyaavalelwa mo, oshinima sha mana po uupyakadhi auhe.

Afrika lyonena olya yelutha iikaha yalyo okutaamba iinakugwanithwa yi ili noyi ili, onke shi na okukuthwa mo kuyele kutya, omuleshi omwaanawa oye ta kala wo omuwiliki omwaanawa.

## ETUMWALAKA LOKRISMESA 1972 LAHAMUSHANGA WEHANGANO LEENGERKI MOUNYUNI (WCC), Dr. PHILIP A. POTTER

Neudo Okrimesa oya holoka pefimbo lomalanduluko tae linyenge neenghono naanaa ngaashi sha li pefimbo linya mounyuni. Akushe oku na eengudu dovakondjelimanguluko tadi lamanana mokukondjifa oupolitika, omaxupilo, omihoko, onghalafano nosho yo omafininiko.



*Petameko lela lyuuntu iipala oyindji otayi dhimbululwa ya nika omaipulo.*

Oshitya "emanguluko" (liberation) otashi tilifa ovakriste vahapu, unene tuu ovo ve li ovakwashiwana shoilongo yaavo tava koleke notava twikile omahepeko ovanhu pamukalo wonhumba ile wongadi. Ashike oshitya sho vene "liberation" emanguluko, oshopambibeli, tashi ti: "exupifo" (salvation).

Eshi tuu Kalunga e uya a kale nafye, okwa tokola okukufa Omona Jesus ou ta xupifa ovakondjelimanguluko. Nokwaavo ya kala ko pefimbo linya, onghe Ovajuuda, Ovagreka ile Ovaroma, oshitya "salvation" exupifo, osha kala shi na omafatululo mahapu. Oshitya otashi holola nawa emanguluko kukeshe tuu osho sha kala sha kambakana mokukalamwenyo kwovanhu ile omonghalafano, onge okombinga youdu wopalutu ile owopamwenyo, onge omokuhashiisha kwomunhu, moumbada ile omomatongoko; onge omomukalo keshe tau eta omhelenge, okuhaningilafana nawa kwovakwashiwana shime ile kwovanallongo.

Ndelene ondunge yasho naanaa oyo emanguluko lomwenyo tau hafele pamwe naaveshe moyuki mefimanekafano liwa, melinekelafano nomohole tai liyandjele vakwao. Eshi osha hala kutya, okuxupifwa oko okumanguluka mokwiidiladila ove mwene, nde to kala omunhu wolela u shii kuwanifila vakweni osho ve shi pumbwa shopaunhu.

Omolwaashi Kalunga okwa kufa Omona waye Jesus ou a li omunhu shilli, ou memanguluko eshi a dja muKalunga okwa kala a mangulukila aveshe, a manguluka okuninga omunhu keshe e mu fe ngeenge omunhu

te mu shikula note mu lineekele.

Eshi okwe shi ulike nawa mokukwatafana novanhu; eehepele novahepekwa, ovaveli veendunge novomalutu. Omafininiko omeitavelo noopaupolitika okwa kondjifa omulumenhu ou omumanguluki nde tae mu twala fiyo omefyo. Ndelene Kalunga okwe mu mangulula mo nomoiketanga yomutondi oo atusheni hatu tileni, efyo.

Oye Jesus ou hatu hepaulula kutya, okwa dalwa, a vaelwa komushiakano nokwa nyumuka. Oye tuu ou hatu dimbulukwa efiku ledalo laye, Okrimesa.

Onghe hano eengudu dovakondjelimanguluko di li po okuholola ekweno lovanhu, hatu lilile exupifo, hatu lilile emanguluko. Okrimesa oyo etimaumbwile lemanguluko lashili ngaashi omutoti woshitevo umwe a tile:

"Ombelela yaKalunga oyo eteelelo loiwana."

Tu dimbulukweni hano Okrimesa ei twa itavela onghalo yetu youame, yefupa, youmbada wokutila vakwetu nowokutila efyo, opo tu xupifweni fye tu mangululweni kuJesus ou e li oshivilo shemanguluko. Eshi osho hatu shi pulwa nena nomomido dikwao tadi ka shikula ko.

(Intervox)

## 130 VA SHASHWA MOHALUSHU

Eti 22. 10. 1972. otwa yapula oshivilo sheshasho lovakulunhu mongerki yaHalushu. Kumwe ovakulunhu nounona vamwe 130 ova shashwa.

Meni leengaba domaongalo etu nopaike omuyadi ndo ovapaani. Otamu pumbwa oshilonga shetumo. Omaudifo, omaimbilo nomailikane no ovaitaveli vaKalunga mumwe neilikano laJesus omusaseli omukulunhu, otaa teelwa a xwame moshilonga sheyakulo leemwenyo.

Fiyo opaapa, owa fika peni meyakulo loye mokamhungu we ke lineekelelwa omumwatate? Tu indileni eendjovo dOmweni di lotoke do di hange omwenyo keshe 2Tss. 3:1.

Rev. S. Ndatipo

**S. Shipanga Amukugo Olange** ota nyolele kaagundjuka mu Elok ta ti: "Aaholike, epupyu ndyoka mu li mo olyoku mu yelekela, inamu li kuminwa ongoshinima inaashi monika nale, aawe. Nyanyukweni nyanyu li thike poshipewa sheni shomahepeko gaKristus, opo mu ka nyanyukwe ne mu ligole nopeholoko lyeadhimo lye.

One ngele tamu hepekelwa edhina lyaKristus, one aanelago, oshoka ombeppo yeadhimo noyaKalunga, otayi mu lambele 1Pet.4:12-14.



# Emanya tali fuluka omeya mombuga

Embo ndika etiyali IyaMoses olya lukwa Exodus tashi ti: Ezemo, epitomo muupika wa-Egipiti. Kalunga okwa mangulula oshigwana she noonkondo oonene e dhi hololele Aayegipiti. Kombinga yoshigwana shalsrael okwe shi mangulula noonkondo dhombinzi yOnziona, ya gwayekwa piyelo yomagumbo gawo ye ya hupitha komuyengeli gweso.

Oshigwana sha piti mo muupika, shino itashi ti, osha piti mo momaudhigu guuyuni, aawe. Okukalamwenyo kwoshigwana shalsrael oku udha omaudhigu mondjila yasho ayihe.

Oshiningwanima shika shehupitho lyalsrael osha kwatathana noshiningwanima shehupitho lyetu muupika waSatana, okombinzi yOnziona Jesus Kristus. Omuyapostoli Paulus, te shi popi ta ti:

Onguka e tu hupitha mepangelo lyomilema nokwe tu tembudhile moshilongo shOmwana omuholike. Kol. 1:13.

Omuyapostoli Johannes ota ti wo: Tse otu shi shi otwa zi mo meso notwa yi momwenyo. 1Joh. 3:14. Mokutala shika otashi vulika omuntu a vule okutya, omuntu ngele okwa taamba Jesus nena okwa manguluka muudhigu auhe wokukalamwenyo kwe muuyuni. Mokupopya kwa tya ngaaka, omwa dhimbiwa oohapu dhaJesus sho ta ti: Shaa ngoka ta landula ndje ni itsike omushigakano gwe ye a landule ndje. Tu taleni oohapu, ndhika twe dhi lesa shoka tadhi ti koshigwana sha mangululwa.

## Omuwa ta ukitha oshigwana sha mangululwa menota

Oshigwana shalsrael osha ende mevuliko Iya hololwa kiitya mbika; ya kutha ko iikako niikako pahapu dhOmuwa noya yungile oontanda muRafidim nkoka kwa li kwaa na omeya gokunuwa kaantu.

Omuwa okwa enditha oshigwana she sigo oonkoka kwaa na omeya. Opu na mokati ketu nena mboka Omuwa e tu enditha sigo twa thiki puRafidim mpoka pwaa na omeya. Oyendji otamu litha omagongalo ge li puRafidim mpoka pwaa na omeya.

Aatonateli yiitayingerki otamu mono tamu tonatele itayingerki yi li mombuga mwaa na omeya. Dhimbulukweni aamwatate, Moses ota litha nota wilike egongalo li li mombuga mwaa na omeya. Omuwa okwe li fala nkoka a hala ko ye mwene.

Omuprofeti Elia okwa li a kala kokalanga kaKerti, ihe opwa tiwa, omulonga ogwa pwi-ne. Omuna gwaKalunga oku na okuya sigo oompoka omulonga moka hamu nuwa tagu pwi-ne. Mombuga mwaa na omeya aantu otaa vulu okupula omapulo ngaashi tatu ga uvu methimbo lyetu taga ti:

"Kalunga oko tuu e li ano? Kepulo ndika otatu yamukula, eeno, Kalunga oko e li. Ota hala ashike tu no inekele nando linimalitayi ende ngashi twa tegelele yi ende. Inekela Omuwa, ino inekela oondunge dhoye, Job okwa kala mombuga yuudhigu moka ta ti neinekelo:

Omuwa oye ta dhipaga ndje, ngame onde mu inekela. Nokuli oondjenda dhandje onda hala oku dhi etela koshipala she. Job13:15.

Aagundjuka Sadrak, Mesak naAbed-Nego muBabeli oya yamukula omukwaniilwa: "Kalunga ketu ota vulu oku tu hupitha meziko lyatiligana lyomulilo note tu hupitha wo miikaha yoye omukwaniilwa Nebukadnesar. No ngele ite tu hupitha u kale u shi shi... tse li-

tatu simaneke oshimenka shoye." Dan.17-18.

Einekelo okwiinekela Omuwa mombuga mwaa na omeya, olya monika tali dhama omauvaneko gaKalunga maantu yaKalunga oyendji. Omuwa ngoka a hupitha oshigwana she mepangelo IyaFaraao ita vulu oku shi e - tha momaudhigu gesiku kehe. Ongoka Inaa, hupitha Omuna gwe omuholike, ihe okwe mu gandja peha lyetu, oye a kale ngiini ite tu pe pamwe naye iinima ayihe wo? Rom. 8:32.

## Oshigwana tashi pula omeya komuwiliki

Pethimbo omuntu ta kala methimbo lyombili nolyelago, ita pumbwa unene Kalunga. Uudhigu nge tau ya aantu otaa kongo Kalunga. Muudhigu wenota oshigwana otashi gongalele Moses shi indile omeya. Oshigwana osha li sha mono iilongankondo mbyoka e yi longo nale a hupithe oshigwana menota.

Ota vulu okuyelutha okanastuke komazigudhe kegulu omeya notaga holoka, nenge kalike mpoka pu na omeya aantu ya vule okuhupa. Shoka ita ningi nando osha, okwa hala aantu ya se. Oye mu tamaneke ya ti: "Tu pa omeya". Inaa dhimbulula Moses wo oku li menota kee na omeya ngaashi oyo. O tatu kala mokati kaantu ya sa enota taye tu dhingoloka koombinga noombinga taa tu indile omeya gomwenyo. Otaa ti otatu yi muuyuni, oshoka ne itamu tu kwatha. Otatu nu iikolitha opo tu dhimbwe oluhepo lwetu lwokomwenyo.

Itaa tseye otse wo aasita otu li menota katu na shoka tatu gandja kuyo.

Aantu otaa kutha omamanya ya dhenge, Moses, oshoka ite ya pe omeya. Omuprofeti Jesaja ota ti: "Ondjendi noohepele otaa kongo omeya go gaa ko. Elaka lyawo olya, kukutile enota." Jes.41:17.

Omupiya omukwetu ina tameka okugeela oshigwana nenge okwiipopila a tye: Omeya otandi ga adha peni, oshoka nangame wo kandi ga na. Ote ya kumagidha, "Inamu hinda Omuwa, Omuwa nguka e mu eta methimbo ndika ota tseye shoka ta ningi Imweneni, Omuwa ota tseye shono ta ningi ote mu kondjele."

Omuwa ota pitika omaudhigu ge tu adhe eitaalo lyetu li kolekwe meziko lyuudhigu. Oye ota ti: Inekeleni ndje, ngele to pitile momeya ongame ondi li pungoye noohandje dhomulilo kadhi ku fike. Jes.43:2

## Moses mokati koshigwana sha sa enota

Moses okwa ithana Omuwa pombanda. Ov. 4. Omuwa aantu mbaka otandi ya ningi ngiini? Oye ta ithanene Omuwa moluhepo lwaantu. Tu dhimbulukweni Elia kondundu yaKarmel a tsa oongolo mokati kuulumbu omvula inayi loka oomvula ndatu netata, pethimbo oshigwana shi iteka Kalunga. Okwa tsu oongolo nokwa kugu ekwatho kuKalunga:

"Omuwa iholola nena kaantu mbaka."

Oshike sha ningwa po? Mpaka Moses okwa yelutha omaako kegulu ta kugu ekwatho kuKalunga. Tse otwa tala peni? Omaantu mbono taye tu kundukidha koombinga noombinga nenge otu li mokati kawo twa tala kegulu tatu kugu ekwatho li ze kOmuwa? Aantu otaa tala kuMoses, ihe Moses ota ligamene kegulu kuKalunga.

Omuwa ota yamukula nota lombwele Moses: Inda komeho gaantu nondhimbo yoye. Ov. 5. Ota lombwelwa a ye komeho gaantu ye na omamanya goku mu dhenga. Omuwa, ota tsikile ta ti: "Tala ongame otandi ya komeho goye okemanya IyaHoreb Ov. 6' Omuwa ota thikama pokati kaMoses naantu ya ge-ya. Dhenga emanya nondhimbo yoye. Emanya lyomayego. Ondundu yaGolgata oyi na ekololo kombinga yimwe Iya fa okana ke eka-ma. Okondundu ndjika Omuna gwaKalunga okwa dhengwa noomboha momake noomopadhi. Oko nkoka okwa tsuwa egongamwele molupati nomwa zi ombinzi nomeya.

Moses okwa dhenge emanya omeya noga fuluka memanya gu uka menota Iyaantu. Oyo noya nu. Pulakena eigidho lyOmbepo Ondjapuki: "Ngoka a sa enota ne ye, naangoka a hala na taambe omeya gomwenyo omagano. Ehol.22:17.

Emanya olya dhengwa omeya noga fuluka. Otatu vulu okunwa nokwiiyoga moluthithiya nduka talu fuluka okudhimapo uulunde noonyata adhihe. Sak.13:1. Otatu pulwa ashike eitaalo. Omeya otaga fuluka memanya Kristus. Emanya ndika otali ende natse tali fulukile kutse mombuga ayihe yokukalamwenyo kwetu.

## Oshigwana tashi galukile puRafidim

Oshigwana ashike sha mono ishewe oonkondo dhokutsikila ondjila yasho okuza puRafidim, oshoka Rafidim halyo Kaanana nkoka oshigwana sha li tashi yi. Omuwa okwe ya enditha oomvula 40 moka e ya kwatha ashike shono ya li ye shi pumbwa.

Ombimbeli tayi ti noongaku dhawo koompadhi inadhi kulupa.

Ohaluka Omuwa okwe ya eta ishewe mombuga yaSin moka mwaa na omeya 4Mos. 20:1-13. Moka tamu leshwa:

Egongalo nolya li Iyaa na omeya. Omuwa ote tu enditha nondjila tayi shuna peha lyuudhigu mboka twa li tu u na nale, moka mwaa na omeya, pwaa na elago. Omatembu ogendji mokukala kwomusita, etoto lyegongalo nokuza ko ishewe oku ka tota egongalo ekwawo. Peha pwaa na omeya, pwaa na Iimaliwa, pwaa na ookuume, pwaa na egumbo. Omuwa ote tu galuile muudhigu mboka twa kala nawo shito, opo e tu kokithe, meitaalo tu vule oku mu inekela shi vule nale.

Kombinga yetu aantu otatu tameke okugeya nokutamanana. Opwa tiwa moohapu ndhika: Aantu noya tamanekele ko Moses ya lundalala taa ti: Andola natse wo twa yonukile po ngashi ooyakwetu ya yonukile po, koshipala shOmuwa. 4Mos.20:3-5.

Eha edhigu oshoka aantu otaa dhiladhila okusa ihwepo. Omuwa ota tseye omolwashike te tu fala peha Iya tya ngaaka ishewe. Omuyapostoli Paulus ta ti:

Iinima ayihe otayi longele mumwe uuwana-wa, oomboka yi ithanwa pamadhiladhilo ge. Rom. 8:28.

Okukalamwenyo kwetu kaku li miikaha yetu ihe, oku li miikaha yomunuunongo auhe. Etameneko lyoshigwana ashike olya thim-nike, Moses naAron ya ze mo moontamanana e taa yi koshipala shaKalunga nokwiihata pevi.

Eha lyomuyakuli gwoshigwana shaKalunga sha sa enota olya ndyoka okugwila pevi koshipala shOmuwa nokuhempulula oondjo dhe nodhoshigwana ashike. Omuwa ota gandja e yamukulo: Moses, inda kutha ondhimbo ngu gongele oshigwana ne mu lombwele emanya montaneho yasho olya notali gandja omeya. Ov. 8



# Onaini okaana taka palufwa

## Etwikilo

Pomafiku otete ina ota pumbwa a tonate shili. Pomafimbo oo onawa u dimine o-makamba okaana. Inashi pumbiwa manga u ka longe ile u ka deulile onghalamwenyo, oto ka hepeke ashike, osheshi opo manga take lihongo, nopo taka pashukile mounyuni omu.

Aishe kuko oipe shili oya fa ashike shimwe ashike. Unene poivike ivali ile itatu ile ngo omwedi nokuli aushe. Kovene take lilongo shito nodiva nokuli. Ohaka kofa kovene shaa we ka pe ka lye.

Ngeenge okaana taka kwena (taka lili) ha alushe ka fya ondjala. Ka tala manga nawa pamwe ope na oudjuu umwe u lili. Fiku limwe oka tuta nande kuli, ile taka yahama ke na nando omhepo momandjadja. Ndele ngeenge owa dimbulula ka fya shili ondjala ka pa ka lye hano u ka nyamife.

Dimbulukwa ashike kutya pokati napa pite alushe eetundi mbali. Nyamifa ngaha omutenya noufiku, osheshi kuko ngee omutenya nge oufiku ashishe osha faafana.

Ouhanana ohava fi yoo enota, naana ngaashi ovovo va kula ile ndi tye ovakulunu. Onghee otashi pumbwa ka pewe alushe omeva a fulukifwa ka nwe. Nande owa longifa okanguto.

Hano ino lumbula okahanana omeva. Oo yoo omuti wakula nomuwa, wo ou na ombiliha. Okaana ka ikililifa omafimbo okupalufa, a kale naana amwe aeke. Nge to shekauna omafimbo mepalufu lokaana oto ka etele omukifi. Ngeenge ka kofa ino ka pendula opo vati ngeno u ka palufe.

Ngeenge ka fi ondjala taka penduka shito kovene. Eemhofi kokaana odi na oshilonga shakula, naana ngashi oikulya oyo ho ka pe. Otadi ka kulike kolutu nomeendunge.

Oshinima sha kula tu na okudimbulukwa osheshi: Okaana kake hole okunangala ile okukofa efimbo alishe, ndele ngeenge taka tulumukwa otaka mono oukalinwa wa wana, taka kala ke na oukolele notaka kulu nawa. Fiyo eehani 7 okaana koye naka nangale.

Naka kofe shili efimbo lihapu nawa. Okudja peemwedi heyali fiyo eedula 2, onawa to ka longo ka tulumukwe, unene pefimbo longula nosho yo efimbo lokomatango.

Ino lolola okaana ka kofele komatundji oye, aye. Onawa eshi tuu ka nyama, ka nangeka mokambete kako. Oto mono kutya otaka kofa diva. Nosho ngaha taka ikilile nawa. Notake ku pe efimbo lokulonga shikwao.

Ngeenge okaana koye kehe udite etulumuko nande we ka pa ka lye noka nwe, tashi dulika ke nomhepo momandjadja. Onawa u ka pe okalunguto kamwe komuti wa lukwa "Gripe Water" Kramp water, otai dimo notaka kala nawa vali notaka kofa nawa.

## Omayoo

Omayoo otete ohaa holoka pokati keehani 6 na 8. Opo nee makwao eehani 19, taa shikula ko. Ngeenge efimbo olo ola pitilile, omayoo inae uya, ou nokumona ndohotola koshipangelo. **INO PA OKAANA OKANDAMI.** Osho keshiwa, nena ngeenge ke li pokumena omayoo, otaka mene omayoo a tanganana, ile a mene e li ngaashi omhinda, taa kala male, a uluka ko.

Pa okaana ka kukaunye eembelela noifima noinima ngo ei ipu. Opo taka koleke eenhumba doshama shako. Nosho yoo eenhumba domayoo opo tadi kolo. Eshi ohashi meneke omayoo diva nonawa. Okaana nge okapaluka nawa ohashi vatele yoo okumena kwomayoo, ohaa mene diva nonawa.

Ounona vamwe ihava meneke diva omayoo, onghe ove na okufilwa oshisho shili unene mefimbo eli.

Luhapu ngeenge omayoo taa mene ohaa etele yoo okaana oluyeye. Ngeenge nee ongaha ou na okulungama okaana kaha kale noikutu ya tuta, osheshi otashi dulika ka kwatwe koutalala ile koshidu ile ngo keshikisha nokuli.

## Okaana nge kehe li nawa

Okaana otashi dulika ke kwetiwe koshidu ile eshikisha nga longaho. Ndele ngeenge ou wete kutya kashi fi shiimba okamukifi kongaho ile ngaashi omhepo momandjadja, ka twala kundohotola diva ngaashi tashi dulika. Shimwe ashike mounima va nafangwa ina ota dudu ngo okukendabala ye mwene. Ile okushikula omapukululo ovahakuli ile amwe ookaume vawa.

Omukulukadi omunandunge oye oo ta lele nawa okaana kaye ka kale neveluko shi dule oku ka hakaulifa luhapu. Mwaashi eemhofi, etulumuko nombili oyo oshinima shi na oshilonga shili.

Okaana nge taka vele, inaka pumbwa okukoshwa luhapu, kakele ashike ngeenge sha pumbiwa naana. Onawa ashike ka kale alushe ka dingilwa momalapi ofulene, mekumbafa ile moshishaali shako. Nonge to ka kosho, ino ka kosha efimbo lile. Ka pyaana ashike u ka amene koutalala. Outala la ohau shiti diva mokaana nde tau ka etele omukifi nomaudu e lili nosho yo omaudu mahapu.

Ove kala yo u na onunongo wokutya okaana koye oha ka wapalelwa koshike naana.

Nande ngeenge okaana ohaka pilulilwa omashini, noshiwa oku ka palufa nopamhumbwe yo. Okaana ko vene otake ku ulikile yo shito nokutya oka kuta ile ahowe. Enyamifo kekende nali ningwe alushe konima yeevili 3 ile 3 1/2 fiyo lune nokuli.

## Elongekido lekende lokaana

Alushe ngeenge okaana ohaka palwifwa nomashini omeendooha, oku na okulongekidwa nawa. Kala ngo u na omakende avali ile atatu. Wa ningila omatatukile po nou na po ngo eengumi dihapu. Nosho ngaha napa kale limwe alushe liyela la fulukifwa. Ngaha to ningile yo nawa nge nande ngeno ope na eulumo.

Ngeenge oho yandje omashini eengobe (Hano omashinishini) to pumbwa ashike u longekide fikü olo ile nokuli pefimbo opo. Hano naa fuluke keshe efimbo. Manga e li mokambiya taa fuluka, oto pumbwa oku kala to pilula mo, opo aha ninge omalundali ile ehe likwate. Naa pole manga, ino a tula mekende mapyu. Ashike naa kale ngo e na okamundjene.

## Okukosha ekende

Oukoshoki oo auke wa pumbiwa mokulela okaana. Ounona ove na omalutu mapu nokukwatwa keembuto doudu. Shimha tuu ekende la pu, divadiva li kosha. Oshikombe shokukosha omavele nashi fulukifwe keshe ongula.

Omavele naa kale a fulukifwa a tuvikilwa. Moshinima omo to a tula nashi kale sha fulukifwa.



*Uuhethi wokutonatela okanona meputuko lyako, ongele kombinga yiikulya nenge yeopaleko lyokombanda, ohashi gandja uupyakadhi owindji koondohotola miipangelo.*



## Omudo nongola

Omudo 1971 mefiku eti 4 Juli ongola yao oya li yomupondo washa. Muo' epulo la dja nale letweni ovahongi, ola kumbululwa. Mefiku eli, Directeur van Onderwys, A.G. Gous omo a dikifa Ehangano IOvahongi mOwambo pOluno, mOndonga.

Otwa kaleni tu udite unene onghai opo eshi tuhe na yoo tuu opo hatu shakene opo tu kundafane sha, pefimbo letu vene, kombinga yoshimhungu shetu, ehongo letu. Fiyo okuxulila mo 1971, otwa kala ashike hatu ongelwa meekursusu, ndele mwinya ohamu kala mwa yadelwa nale koprograma yamo.

Eshi osha etele onghai omolwomapulo oo a li hae tu dile moilonga, fye twa hala okupula ovawiliki veekursusu, vo ihave tu monene omhito oyo omolwefimbo. Osha li hashi hale okweeta omalingwadjulo mume.

Ovahongi amushe ohandi mu shivi nohokwe nonehelo liwa mu lishangife mehanganano leni. Elalakano lehangano otamu li mono moshifo shOmukwetu No.23, 1972 Paxupi: okufikifa nawa nokuwapeka ehongo, okwaamena outeku, oufemba wokanona nokwaamena oufemba womuhongi.

Pamalalakano aa, osha yela kutya omuhongi ou ta amenenwa oufemba waye kehanganano eli, oyou e li oshinhibu/oshilyo shalo, hano e lishangifa mulo. Ovahongi 500 vomu 64,679 otava ulike 0,8% aveke ve lishangifa,

Oshi pandulifa ngo shili, shaashi ehanganano eli okanona natango komudo umwe. 1973 onde lineekela ovahongi aveshe otava ka kala ve linyolifa shaashi shuude kaku na omuhongi ta pande a kale e liyoolola mo vanashilonga shaye vakwao.

### Endjadjukununo paxupi

Owambo oi na eefikola 252 hamu hongwa kovahongi 1331 mwaavo 1300 ovalaule. Movahongi 1300 omu na 348 vehe na odjapo youhongi. Movahongi 944 ava ve na ondobwedi youhongi, 475 ovakainhu na 387 ovalumenhu.

Eefikola 252 odi na ovahongwa aveshe kumwe 64,679, ndele omuvalu ou otau hapupala nomafele 500 omudo keshe nokudula po. Omivalu edi oda ngongwa.

### Omhubwe yokupitifa ehongo

Pashidudu shonhapo osho etano lovahongwa tali tudoka, otashi eta omapulo: a) Ovahongi otava henene tuu? b) oshikondo shehongo nonghaloputuko, oshi na ngo oimaliwa yomatungo?

Nokuli oshikondo shomatungo vati oshi li alushe konima yomafaneko omatungo eefikola mOwambo eengulu 300 papopyo lomuwilikihongo, Directeur van Onderwys pOndangwa.

Hano etungo ola fa olo la ketamana, Itali ende pamwe nomafanekotungo. Tate Van Scheepers ota ti yo kutya ngeenge ofikolokomitee ile ovadali pofikola yonhumba ova ongelela omatungo eengulufikola oimaliwa yavo, holomende wehongo ote ke va wedela ko R1.00 koranda keshe ve i ongela, opo omatungo a hapupale, shaashi eefikola doshiwana oda teelelwa di tungifwe koshiwana shoo vene nokuli ngeno.

Epulo (a) ole tu yukilila fye vomoshiwana. Neudo mOngwediva otamu teelelwa mu pite ovahongi 130 ngeno. Hano eyelekanifo pokati komutano wovahongi nowovahongwa omudo keshe ou li lwopo 1:4.



D. E. Sjameneh

Neudo ovahongi vamwe vape ile vakulu, inava mona eenhele dokuhunga. Ovanhu ava ova fa inava xupa ko shili. Pakupopya kwatate Van Scheepers, ovanhu ava nava ye ashike kuye; **Die Directeur van Onderwys en Kultuur, P/sak 2022, Ondangwa,** nosha teelelwa va ka mone oilonga.

### Oilonga ile okalili?

Ope na oshiponga shimwe shinene tashi likokele movahongi paafa. Movahongi vahapu oshi li efanekotokolo kutya oku na okunangekwa peumbo lavo. Oshinima eshi itashi tu kumwe neliyandjotokolo lomuhongi a tya ngaha, eshi e litokolela momahongo ouhongi opo e liyandjele ovashitwa vakwao.

Moshinima eshi keshe umwe owa pumbwa u diladile luvali, opo u pule nawa u pitikilwe mofikola youhongi. Tu kotokeni tuha hakaneni po meeseminali eenhele daava ve litokolela eyakulo lohilongo.

Ofikola youhongi kai lile po okuyeululila omunhu omhito opo omunhu a dule okunangala nombili mokalili kaye mombu lavo. Eshi oshipe. Nale ovahongi ova li hava i opo pa pumbiwa omuhongi, koKavango ile peni.

Nakufikolela okalili kaye, ino kumwa hano ngeenge te ku lombwele: "Ame onda xupa ko keenhele dokuhonga."

Onhele yokuhonga oi li moshilongo omu ina hala okuya. Yopokalili oyo aike ya pwa po. Vali nashi dimbulukiwe kutya, itashi ti apa wa nangekwa neudo opo to kala kate. Oto dudu u nangekwe kalupu, ngolongo opokalili nee mboli koye. Paife oto dudu nee okulifimanekela yo oshilongatumo.

Ahowe waima, inda mouhongi nediladilo liyuki olo tali ti: Ohandi taulukile apeshe opo pe na "Makedonia" yange ndi ka kwafe.

D.E. Sjameneh  
Press. ya OTA,

## Nakufya a nyamukulwa

Nakufya omufitaongalo Malakia Hauuanga, okwa li a shangela koshoongalele shovakulunhu vomaongalo omOngerki ya Elok, eshi sha li sha ongala mOngwediva muKotoba 1972 a pula kutya, "Oludalo eli li li meekamba otali ningwa ngahelipi?"

Umwe womoshoongalele osho, oo a indila edina laye liha hololwe okwa nyamukula mOmukwetu ngaha:

Eongalo laKalunga fimbo hali kundafana noveta, ngeno keshe ou e na omona a ya meekamba ehe na ombapila yaxe, omunhu ou e mu tambula mokamba yaye na futifwe.

Ngeno omunhu eshi a mona omona, ye ta i kumwene womukunda, ye mwene womukunda ta shiivifa kEpagelo li mu futife R10.00. Onda diladila nee opo kutya ovanakamba ngeenge tava futifwa, itava ka tambula vali ovanhu vehe na ediminino lovakulunhu.

Nde oshinima osha li nee shi na okutumwa tete keembinga neembinga shi shiivifwe, tuhe va vakele nokutya inamu tambula vali ovanhu inava lekelwa komaumbo avo. Vo nee ngeenge inave shi yavala, opo nee tava futifwa. Opo ndi wete kutya oto dudu okukonga shili omumwoye mokamba.

Osheshi omudali ngeenge ta ka tala omona kokamba, ou e na omwenyo muwa (mwene wokamba) ota ti ashike, "Ino anyena po apa, hataku ti ngaho eshi mwa ya, ove to aluka ko. Eshi winya te ya ove to ka hondama."

Omunakamba ou iha yavala ota ti: "Dengeni omudali?" ngaashi nde shi mona komunakamba a ya nokaana, ndele eshi xe e ke ka shikula, okaana oko nokuli ka ti: "Dengeni eima."

Ovanhu ova tota shili va denge omunyeumbo. Shalongo pwa li oshitukutuku shi li popepi, xe yokaana a fadukile mo, ngeno a dengelwa okufya fiku olo. Xe eshi a dengwa ngaha, okwa ti ashike kutya okaana inake uya ko vali nande keumbo laye.

Sho eshi osho nee sha wana okutwalifa ovanhu koveta ei i na eenghono oku shi wapeka.

### A hulitha oondjenda dhe

Omulongisikola Gabriel Nantanga, Okaku, okwa hulitha oondjenda dhe eti 26.8.72 konima yethimbo ele lyuuwehame moshipangelo shaShakati.

Tate Nantanga okwa tamekele oshilonga she shuulongi 1944 pulndangungu, mOndonga. Nomanga ina pita oseminali okwa adhikile omulongi pOshigambo pOmupopo gwaShitambo nopOnambende.

Okwa longo megongalo lyaKaku ongomukuluntu gwegongalo ethimbo ele nokwa li ependa mokutaandelitha iinyolwa yopakriste, unene oshifo shOmukwetu. Oye okwa li ekuya netemo moshikaha shOmuwa megongalo ndyoka nomOngerki ayihe.

Oshituthi sheyapulo lyombila ye sha ningwa nesimaneko enene mpoka pwa li pwa gongala engathithi lyaantu. Mokati kawo omwa li omusita omukulupe David Shihepo na amushanga gwoosikola mOndonga, tate Tomas Kalumbu.

Omusi Nantanga okwa thigi po omuselekadhi noyana 10, aalumentu yaali naakiintu 8 naatekulu 26.

Yamwe yomoyana, Julia naKristina



## AANASHILONGA MEGONGALO OTHIKA OYA IHOGOLOLELE EPYA LYETUMO

Aanashilonga ayehe megongalo Othika oya hala okulonga oshilongatumo mepya limwe muuninginino. Momumvo 1970 oya hogolola Onamatanga. Ehala ndika oli li muumbugantu wOngandjera.

Okuza 1970-71 oya kala nokulonga oshilongatumo shawo nuudhiginini. Oya kala noku-gongela uushonanima wawo ngaashi iizalomwa niikulya, opo ya tumine aayeleele kOnamatanga.

Nuumvo aanashilonga mOthika oya yi ya ka tale epya lyawo ngele oya tiligana. Eti 7.10.72 otwa thikama. Otwa ya pamwe natate J. Amakutuwa natate M. Alugongo. Mokuthika hwiya otwa dhimbulula oluhepo lwaamwameme mbeyaka. Oya sa ondjala palutu, na unene ondjala yoohapu dhaKalunga. Kaye na omupukululi gwothaatha. Oku na ngaa aasamane yaali aanahambo, ya ya ko omolwiimuna. Aasamane mbaka oya tameke okukwatha aamwameme mbeyaka. Tate Filemon Ambambi oha ningi omambo, manga tate lileka ta longo oskola.

Oya pumbwa omulongi gwoohapu dhaKalunga. Aanona oye li ko ngaa oyendji ya hala okulongwa. Aasamane mba otaa kwatha owala. Ongerki oye na, oya pumbwa owala oongulu dhoskola.

Tse otwa yile ngaa nomulongelo omushona gwokukwatha palutu. Omulongelo twa li tu na ogwopamwenyo. Otwa imbi omaimbilo. Aasita oya ningi omauvitho. Eti 9.10.72 otwa ningi elongelokalunga mongerki. Oya li ya gongala nawa. Moka omwa ningwa eshasho lyaantu 14. Oye tu imbile wo omaimbilo gawo.

Pakutala aantu oya hala tuu shili oohapu dhaKalunga, ndele ope na sha she ya imbi okugongala nawa. Oku na nale uundingosho. Opo nee haa kala ya gongala mpoka.

Puundingosho otaa gongala, opo yi imonene wo iikulya, oshoka oya sa ondjala. Shaa nee i idhenge mo limwe, opuwo nando ina mona we iikulya. Onkene itaa kala inaa ya ko.

Oye tu yakula nawa. Oya gandja wo epandulo lyawo sho pe na mbo taye ya sile oshimpwiyu. Unene sho twe ya topolele iikulya oya li ya nyanyukwa unene, noya li wo ya gongala nawa.

Omukwetu omuholike muJesus Kristus, omuprofeti Jesaja sho kwi ithanwa okwa yamukula: **ONGAME NGU OMUWA, TUMA NDJE!** Omukwetu nonena Kalunga oti igidha mokati kegongalo lye kombanda yevi: **"OLYE NGO TANDI MU TUMU KAANTU YANDJE KONAMATANGA?"** Onda tegelelwa ndi yamukule: **"ONGAME NGU OMUWA, TUMA NDJE."** Omukwetu omuholike, Aathika oyi ihogololele Onamatanga.

*Omukwanegongalo mOthika*



*Omudiakoni Jairus Kapenda, Oniipa, kolumosho okwa konga oimaliwa nde te i lande omambo oo a yandja komuyevangeliste wometumo, Frans Kankondi, moumbuwanhu wOngandjera. Tate Kapenda e shi ninga moipafi yomupashukilishitayingerki shaUninginino, Jason Amakutuwa, pokati.*

Ngoye oho longo tuu oshilongatumo? Nongele oho longo, oho shi longo pamukalo guni. Oniikaha nenge oho longo oshilongatumo pambepo? Ayihe mbika ngele oho yi ningi, dhiginina okulonga oshilonga shoye. Oonguka e wete meholamo ote ku futu. Kalunga oye mwene ne tu kwathe meyakulo ndi eyapuki ye ne tu sile ohenda noku tu yambeka.

*Peha lyegongalo aagongelinkundana oyo:*

*1.Selma Uukongo na*

*2.Marta Negumbo*

*Omundungiki oye: Viktoria Amagulu.*

## Emanya tali fuluka omeya

*Dha za kep. 3*

Mpaka Moses ina lombwelwa a dhenge emanya, ihe e li lombele. Omuwa okwa hala u ulukile oshigwana she esilohenda lye nando tashi tamanana. Moses ina ninga shoka a lombwelwa, okwa gwedha po iinima lyali: a) Okwa popitha oshigwana: Pulakeneni, one aatagalali otu na oku mu kongela omeya emanya, Oshikwawo b) Okwa dhenge emanya lwaali.

Nando Moses a ningi shoka inaa lombwelwa, Omuwa okwa dhiginine oohapu dhe, aa ntu okwe ya pe ya nwe. Okwaavulika kwa-Moses okwe mu kanithitha ompito yokukala omuwiliki gwoshigwana nokuthika mevi lyeuvaneko. Mpaka itapa popiwa nando ehupitho lyaMoses aawe. Okwa hupithwa, a monika kondundu yeyelitho.

Aanashilonga yamwe oya kala aaladhi nomapenda. Oya kala ya fa aawiliki yoshigwana shaKalunga. Ohaluka aantu ya tya ngaaka otaa gu mo, naantu otaa tameke okwilipula; Nima ngoka haye we, kee li we ngaashi shito. Omapuko otage tu gwitha mo mewiliko lyoshigwana shaKalunga, ihe otatu kala ngaa aasita nenge aayevangeliste, ihe ewiliko otwe li kuthwa nesilohenda lyaKalunga oli li mpo sho tatu ka hupithwa.

Omuwa ota lombwele Moses: One sho, inamu inekela ndje, one itamu wapa okufala ko egongalo ndika koshilongo nde shi ya pe Ov. 12 Omolwoohapu ndhika **one aatagalali nokudhenga** emanya Moses a kanitha ompito yokukala omuwiliki. Otatu pulwa, eitaalo nevuliko koohapu dhOmuwa. Jesus ta ti:

"Ongoka i itaala ndje ngashi oramata tayi ti, meni lye otamu ka tondoka mo omilonga dhomeya gomwenyo Joh.7:38. Eitaalo lyaateologi oyendji olya mono oshiponga shomalimbililo okulimbililwa iinima yimwe yomOmbimbeli. Jesus ta ti:

Ngoka i itaala ngaashi oramata tayi ti, meni lye otamu ka tondoka omilonga dhomeya gomewnyo.

Ngoka ini itaala ota kala menota nota kaleke aantu oyendji menota oshoka omeya omanamwenyo itaga vulu okutondoka muye. Oshoka euvaneko ndika lyeni lye mu uvanelwa nolyaana yeni, naayehe mbeyaka ye li kokule omboka Omuwa e ya ithana. III.2:39

Mpaka otatu mono euvaneko okuza mombuga menota nokuya mothinge yopambepo. Omuwa okwa uvaneke ombuga yokukalamwenyo kwetu a ti: Moondundu dhomamanya nda hala okutondokitha mo omilonga nomomasilu oothithiya nomombuga tandi yi shitukitha efutameya. Jes.41:18.

*(Euvitho ndika olya uvithwa moshigongi, shaasitagongalo yongerki ya Elok, komuyevangeliste gwongerki Rev. Efraim Angula).*

## EYAPULO LOVAKAINHU

Ongerki onghwaevangeli paLuther muAmerika oya yapula vali omukainhu moshilonga shoufitaongalo, meme Constance Fern Parvey, mofikola yokombada muHarvard. Meme Parvey okwa nangekwa nokuli mofikola oyo ongomufita wovanafikola.

Nande olwo lwotete mofikola oyo mwa yapulwa omukainhu, Amerika oku na nale ovakainhu yane ovo va yapulilwa oshilonga shoufitaongalo. Eengerki dimwe yo mounyuni oda katuka onghatu ei.



# Ohatu lungu onhakwi yomeva

Etwikilo

Handi ya ndi ku kufile ko mbali, vati ehe ku lombwele ke fi woye. Okwa li tu na okulikolifa oshiwana shetu moilonga. Nandi yelekife oinima imwe po.

Shilumbu ota ti: "Ope na omupofi." Okwa tala oshimaliwa osho she mu paka kumwe tashi i, ndele eshi pwa kekelelifa omupofi, ope na oupu. Eshi a hala uha longe sha shouhambwidi, opo u lime ile u ka onde omatemo (ava ve shi tala osho onghalo yavo noshi shii kudiininwa) okwa eta omatemo aye fiyo ote tu landifa nomupini woshiti eshi shi li mekove, ile pongubu.

Ope na owa washike shomufuko ina dengelwa omatemo inaa longwa koshiwana? Omalodu aa a talika oikolwifa, yo yaKamundilo kaShiweda otai denge po okatota, shaashi ombike itai kanifa nawa ndunge, opo eedinyelu di shune.

Oshiwana otashi alangata moikunwa, omapi itaa limwa vali. Eengobe oda fila mominoko. Otwa tula omushila pokati komaulu hatu ehela omapungu. Oumaliwa tava pwile moshako yepungu omo mu na osho shihe lidule nolungu ile eu eli ho fiye mepya.

Oilonga yomaholo nomatempa okulila ya efiwa, omaadi inga tu ya kokafitola. Natu lande oiyaxa, omambale, manga eembale nomalusheelo tae liifana oowatate; outapatapa, manga omiya dihe na ovashiki.

Nghee tu li otu na eexupa hadi kulikifwa ongodi, osho otashi ku likolifa shike, ile okukutifa ashike omadimo avakwenli? Ou na edina lashike ngeenge ino hala okulanda eshi shoye, shaashi osho efimano? Ofye tu li li koshipundi?

## Eenghedi doivilo

Oshiwana ohashi talika meenghatu domalinyengo nomoilongomwa mefimbo lexumokomesho lasho. Oshiwana ohashi fi oshisho okulundululifa oinima ei inai wapala nokweeta po shipe.

Ope na oudjuu paife okutala ngeenge oshiwana shopaife oshi na ekwatafano nefimbo linya leuyo lovatilyane. Okundjobokela monghalo yovativyane, kwa fa taku eta oulimailma wetu, kutya katu shii vali apa tu li.

Oilonga ya fimana yoitevo ya fa-ashike tai xulile pefimbo twe uya monghalo yongolo. Eliko eli ola dile meexungi nomoivilo tai shambula. Eshi osha li oshilonga shomunhu keshe okweeta sha shipe okunyakula notashi nywifa omatwi.

Poudano oitevo ya li ya endjelela koxulo yelaka, ya hololwa nelaka la yambapalekwa. Eshi oshivilo sha fimana, itashi yelekwa nondanisha yokangalamafona oko ka landwa, opo tuhe lihonge okutota oitevo yetu. Okudingonoka oku kwokangalama, oku lidule peni noholole nge ava va li hava ningwa? Apa ohatu pumbwa okukonakona nokudiladila nawa, hakutala oshinima eshi neisho lohilumbu.

**Okulundulula ile okweekelashi filu**  
Efimbo kakwa li la fika lokweekelashi oivilo ngaashi yeengobe, oshipe nosho tuu. Onde lineekela otu na okutala kutya, otashi dulika tuu okufika kOmwe nonghalo imwe yetu shihe fi oku mu talela momikalo doshitilyane.

Ngeenge twa tala elaka levangeli nokutala oivilo, otashi dulika okulundulula oivilo ei ile oku i ekelashi filufilu. Itashi ti eshi

ndimunangobe handi hambelele Pamba mokuningila oshimuna oshivilo, osho epuko.

Eshi ndishii ongaashi to ningile omona woye oshivilo shedalo ile tamu ningi oshivilo shokudimbulukwa ohango! Ndishii eshi itashi ti kutya, ongobe onde i ninga oshikalunga, ngaashi okanona inaka ninga oshikalunga shaina?

Otu na oshipe hatu hambelele eshi twa pewa oikulya yomudo mupe. Eshi osho sha kala omukalo woshiwana, opo shi holole ehafopandulo. Okwakwamhungu ava kwa li hava pewa sha, ndishii osha li hashi holola ashike kutya, ope na umwe a kula e na okupewa sha, opo ovanhu va tyapule oshivilo.

Eshi kashi fi eindilo mbela olo hatu ningi paife? Eshi osho oshilonga shoshiwana okutala nokukufa mo ngeenge omu na omamenghulo, nongeege sha tala itashi dulika nokamu na nande okanhe kokumona Pamba, opo nee tai ekelwashi.

## Omidjalo

Ope na omidjalo da fimana moshiwana ndele oda ekelwashi, osheshi ohatu likongele o vadali ve lili. Ovalikadi noukadona volumbu, ohava djala oulinga opo va fatulule kutya ou olyelye.

Efewa lokalinga mbela oli dule londjeva ile lohilanda? Eshi twa nukila monghalo yoilumbu, yo oimaliwa ya ti nde ya, katu shii vali kutya, ou olyelye. Onghee oukadona nava djale eendjeva osho ovakulukadi nava djale oilanda. Epuko eli twa mona mondjeva ile mokangongo olashike?

Ngeenge otai tulwa kombada yaashi hashi lukwa **obotoma** ile tai tulwa mofingo walye tuu ngeenge osho oshinima shetu.

## Oishikomwa

Ovahongi vomaimbilo otava kanifa eliko lihapu eshi inatu hala okulongifa eendunge mokuwapaleka oishikomwa yetu. Oikola ohatu imike, eenghushe dokangodi noshiti otu na, oonghee ohatu yukifa oinote nokauta ile nokayaayaa.

Ohaveleka eshi ya talika kai shii kulundululwa, mwene woshiindingili womuulo wa tokola efamba ondjeva, pombaafa nge a tulwa po kaku na vali.

Oshiwana oshi na okukala shi na ondjonona, opo shi kale shi na edina. Omunhu keshe ota pumbiwa okulongifa omadiladilo nghee tu na okuxumifa oilonga yetu komesho; okulanda nokulandifa oinima yetu, opo tu tule omukumo movalongi sho eshi otashi eta eputuko neendunge doshiwana.

Eshi osho oshilonga shomunhu keshe ngeenge ohatu kanifa oludalo eli naali tali landula, ile hatu li tungile tuu omukangha wa pama. Eshi oshi li momake etu vene.

Hafeni Hatutale

L.T.Nghituikua, Engela - ota kumagidha aaleshi yOmukwetu ayehe nohapu yaKalunga ta ti: "Aamwatate, omwi ithanenwa uvalwa, ihe inamu etha onyama yeni yi pwidhukithwe keipangelo, aawe, yakulathaneni mohole. Oshoka ompango ayihe oya kwatelelwa mohapu yimwe oondjika: Hola mukweni ngaashi wi ihole mwene. Ihe ngele hamu lumatathana nohamu lyaathana, italeni mwaa manathanepo sheke. Gal. 5:13-15

Erasmus yaErastus Mbumba, Oranjemund - Aawiliki yoongerki ELOK noyaAnglikani naye tu galikanene mwaayihe tatu longeni muNamibia omolwemanguluko lyomuNamibia. Omunankondo awike ne tu thindikile momvula ompe yi na einkelo nelago.

## Eshi a kongwa okwa hangika mondolongo

Meme Josefina Kandjala okwa li a kaniitha omunyeumbo waye. Nghe omushamane a ile molunyango moUshimba fiyo eedula nhatu da pita.

Meme Kandjala ina xulila ashike meilikano nomokuponga, nde okwa pulaapula. A fikama ndele te ke mu konga. KOMBudu yaKiiyala nokOmbaye, ine mu hanga ko. Okwe ke mu hanga a idililwa modolongo kOMukuto waKaisha (Windhoek).

Meme Kandjala ina tila epangelo la djala eongamukonda, okwe mu indila ko omulumenhu waye nde te mu pewa. Paife embo oli yadi ehafo, oushiinda neongalo otali hambelele Kalunga moloupenda wameme Kandjala.

Oomeme inamu dimbwa po oupenda weni nouladi weni, wa holoka mokukonga nokumona tete Jesus fiku lenyumuko. Mark. 16:1-10,

Rev. S. Ndatipo, Ohalushu.



Omusamane Erasmus Erastus Mbumba, kOlange ota halele oshigwana ashike shaNamibia elago momumvo nguka gwonuumvo.

## A SILE MONDHOLOGO

Zedequias Manganhela, omusita nomupresident gwongerki yaPresbiteri muMozambikwe okwa adhika a sila mondholongo mu-Novomba gwa zi ko. Omusitagongalo okwa li a kwatelwa mumwe noshikonga oshinene kepangelo lyoshilongo mujuni gwa zi ko. Aawilikingerki ayehe 30 oya li moshikonga shoka.

Omusamane gwoomvula 60 okwa wilike ongerki muMozambikwe okuza 1963. Okwa li a tseyika mehwaro lyuukumwe woongerki nowoshilongatamo. Ongajohannes Omushashi ondholongo oye mu limbilike nokwi i dhipaga.

(EPS)



## KUPOLOLO OKWA DIININA MOSHILO NGATUMO

### OYOONGALELE YEUDIFO LEVANGELI MU ELOK 1973

Omuudifi wongerki yetu tate Efraim Angula okwa faneka omalweendo aye a ka ende ngaha modula ei:

Pehovelo lela laJanuali ota kala muTsumeb nomOvenduka. Moshitayingerki shaUkwanyama ota hovele muKongo 22-26.1.1973

Omundaungilo	28-31.1.
Eenhana	5-9.2.
Ondobe	12-16.2.
Edundja	19-23.2.
Ohalushu	2-6.4.
Ongwediva	9-13.4.
Engela	16-20.4.

Moshitayingerki shaNdonga omufitaongalo Angula oshilonga shevangeli ote ke shi hovele pexulilo lela laApilili fiyo muJuni. Opo mOuninginino ta ka ya mo mujuli fiyo Septemba. KoKavango etata laSeptemba fiyo Kotoba aushe.

Omudo keshe tate Angula oha ningi omalweendo a tya ngaha momaongalo moitayingerki nde opo a enda ohape limonikila. Ouhapu womaongalo nowomikunda momaongalo ohau mu imbi a ende eongalo keshe moshitayingerki keshe. Neindilo laye okumenenwa omukwafi moshilonga eshi kEpa ngelongerki, inali nyamukulwa natango. Neudo yo meshikulafano laye omu na natango oinima itatu ya fimana: a) Etalelopo kounona vofikola meongalo b) efiku lovanangeshefa meongalo c) noshivike shovafitaongalo vongerki.

Ota pumbwa lela omailikaneno oye moyoongalele ei.

Omushamane womunangeshefa tate Mateus Kupololo wongerki onghwakatolika kaRoma, ota yakula neenghono oshilonga shaKalunga apa mOmindaba.

Pomafimbo aKrisimesa omushamane Kupololo oha tutu ovanhu he va kufa keekefe davo te va eta pongulu yetumo peshakalo. MOKrisimesa ya dja ko otwa li neshakalo li yadi ndo, nde naye mwene omo ha kala, iha eta ashike ovanhu ye ta i, ahowe.

Ongulu yetu imwe eshi ya li ya pya po koluvadi omudo 1971 tate Kupololo okwe liyambula eeranda mbali (R2.00) ndele te di pe ovalongifikola ve likwafe nado.

MuDesemba wodula tuu oyo okwa li tu na eshasho lehangano kEtunda-Mindaba,


Oishanaputa Otshovanatje nomikunda adishe di li popepi nEtunda. Ovashashwa, ovakolekwa, ovakufilwa aveshe ova li ve na oshivilo mEtunda. Fye Ovamindaba omufimane kwa Kupololo okwe tu fenda moFooda yaye ovapaani va ka tambulilwe melumbakano naKalunga kavo, ovakolekwa va pamekelwe eitavelo lavo. Ovakriste hava i kOuvalelo Uyapuki va pewa va lye vo va nwe, osheshi ondijila tava ende nayo oile opo ihe va nyenge.

Meexungi ngaashi hatu mono apa ovataleli po ovaholike ve lili noku lili, omushamane Kupololo oha kala a mona oilonga yokueta ovanhu keexungi. Onghe nda ti ota longo oshilonga shetumo.

Omudiakoni Timoteus Mwafufya



*Tengeneka, tengeneka, aanonona mbaka yaali nenge gumwe, aakwanambuyu nenge kehe gumwe okwi ivalelwa?*



*Pethimbo ndika otu li muuyuni wa faathana. Otaa lalakana shimwe, oya hokwa shimwe, otaa yuulukwa shimwe, ye na omikalo dhimwe, uulunde umwe. Ihe atuhe tu na ehupitho mugumwe Jesus Kristus.*

#### OMUKWETU

Oshifo shOngerki onkwaevangeli paLuther yomOwambokavango  
Die Nuusblad van die Evangeliese Lutherse Owambokavangokerk  
Ohashi nyanyangidhwa mOniipa,  
Omukuluntu gwoshifo/Hoofredakteur omumbisofi Dr. Leonard Auala,  
Amushanga/redakteur Rev. Sebulon Ekandjo  
Ondando yoshifo komumvo muSuldwes-Afrika R1.00, kombanda yomafuta R2.00  
Ondando nomambestelo naga tumwe kOmu kwetu, Oniipa, P/B 2013, Ondangwa, S.W.A.

Omatseyitho gomuntu mwene pashinyolwa shuule woondeimi	1	otashi futwa R1.00
oondeimi	2	otashi futwa R1.90
oondeimi	3	otashi futwa R2.70
oondeimi	4	otashi futwa R3.40
oondeimi	5	otashi futwa R5.00

Oto vulu okutuma wo efano Iyaashono wa hala shi tseyithwe.

Owambokavango Church Press  
P/B 2013 Ondangwa, S. W. A.